


Dumengia, ils 28 da november

- 09.00 **Dardin:** S. Messa
Mf Elisabeth Cavegn-Desax
- 10.30 **Breil:** S. Messa
Caudonn Rudolf Albin
- 19.30 **Vuorz:** Survetsch divin
ecumen ensemen cun la
pleiv evangelica en baselgia
a Vuorz

**Mardis, ils 30 da november
s. Andriu**

- 08.15 **Breil:** Survetsch divin da
scola
- 10.45 **Danis:** Survetsch divin da
scola

Sguard anavon**S. Messa da s. Elisabet,
ils 7 da november 2021**

Ils 7 da november seregurdein nus da sontga Elisabet da Thüringen. Il tema da nies survetsch divin secloma: Buna vestgadira fa pareta. Ei fa magari bein da mirar sur igl agen taglier ora. Perquei lein nus festivar il di da s. Elisabet sco gl'onn vargau en mintga pleiv e cun in'alternativa che secumporta cul concept da segirtad da Covid.

Cordial beinvegni a tuts.

*Uniun da dunnas e mummas
Breil, Dardin e Danis*

**Fiasta d'installaziun da sur
Sajan, dumengia, ils 14 da
november 2021, a Breil**

Preziadas parochianas
Preziai parochians
Avon bien dus onns, il di da Daniev 2019, ha Sur Sajan surpriu la pastozaziun da nossas quater pleivs, Breil, Dardin, Danis-Tavanasa ed Andiaast en la funcziun sco plevon administratur. A caschun dalla radunonza dils 19 da zercladur 2021 han parochianas e parochians elegiu cun grond applaus Sur Sajan sco futur plevon da nossa cuminonza parochiala.

Engrazievels e satisfats d'astgar sefidar vinavon sil preziau engaschi e survetschs da Sur Sajan festivescha la pleiv l'introducziun ufficiala da siu plevon la **dumengia, ils 14 da november 2021, a Breil**. La festivatad d'installaziun vegn iniziada cul survetsch divin festiv en preschientscha dil vicari general e confrars spirituals ensemen cun l'entira cuminonza parochiala e la cooperaziun dallas uniuns da nossa entira vischnaunca. La suprastonza da pleiv selegra d'envidar tuttas parochianas, tuts parochians ed affons a quella fiasta.

Program:**14.00 uras: Messa festiva en baselgia
parochiala Breil**

Celebrants: Monsignor vicari general Jürg Stuker, Sur Sajan e concelebrants. Cooperaziun: Ils chors baselgia, las societads da musica ed uniuns da giuventetgna.

**15.00 uras: Aperò ensemen cun
l'entira populaziun sin plaz scola**

Cooperaziun: Las societads da musica e las uniuns da dunnas e mummas. Nus supplichein da reservar quei termin e selegrein d'astgar celebrar ensemen cun parochianas e parochians ord nossa entira pleiv e vischnaunca la fiasta d'installaziun da nies preziau plevon Sur Sajan.

*Suprastonza pleiv catolica-romana Breil
Sep Cathomas, president*

Sguard anavos**Breil ha festivau sur Flurin
Camathias**

Da 1896 entochen 1934 ha Sur Flurin Camathias pastorau a Breil ed Andiaast, oz Pleiv catolica-romana Breil/Brigels. Ord quei motiv ein ins era seregurdaus a Breil digl impurtont poet e sribent romontsch.

Suenter las duas exposiziuns en caplutta Sogn Martin e Pundual, ha giu liug la dumengia dils 3 d'october 2021 la fiasta giubilara. Quella ha entschiet cun in survetsch divin commemorativ, celebraus dalla assistenta pastorala Flurina Cavegn ed igl anteriur plevon sur Giusep Venzin. Il chor baselgia ed il chor viril han procurau per la tempra festiva. Il pievel accumpignaus digl organist Albert Spescha ha cantau canzuns cun viarva da Flurin Camathias.

Silsuenter ha giu liug sin Cadruvi ina fiasta populara. Quella ha entschiet cun ina tschavera purila dil temps da sur Flurin. Il program cuntinuescha cun cuortas intervistas dil moderatur dil di Otmar

Seiler, e quei cun il president dil Forum cultural Michael Friberg ed il president communal Clau Schlosser. Lu suondan cant e teater. Las quater dunnas Anna Cathomas, Lea Cavegn, Ronja Muoth e Veronica Cathomen han dau ina scena ord il drama Las statutas novas che David Flepp ha adattau e preparau extra per quella festivatad. In chor da scolaras e scolars dalla 5- e 6avla classa e la scola superiura han interpretau sut la direcziun da Patric Casanova pliras canzuns cun texts da Camathias ord la Merlotscha. La festivatad ei vegnida terminada cun in cant aviert culla participaziun dil pievel e dils chors cun lur dirigenta e dirigent Umberto Camathias ed Andrea Veraguth de Groot. Da cuminonza ei vegniu cantau Fontaunas clar resunan, La sera sper il lag ed autras canzuns, per las qualas sur Flurin Camathias ha giu scret il text.

Michael Friberg



Fotos: Jorge dos Santos

Communicaziuns**Radunonza extraordinaria
da pleiv**

En connex cun damondas per la concessiun dil dretg da baghegiar sefa ei da basegns da menar atras ina radunonza extraordinaria da pleiv. Quella ha liug, sonda-sera, ils 27 da november 2021 a Danis, suenter la s. messa che ha liug allas 19.00 uras. Las tractandas vegnan publicadas pli tard el FUS.

Battens

Retschiert il sogn sacrament dil Batten han:

Ils 4 da settember 2021 **Eleanor Livers**, affon da Nonette Velascoa Mendiola e Rafael Livers.

Ils 25 da settember 2021 **Armon Fry**, affon da Selina ed Ivo Fry-Sgier. Nus giavischein allas giuvnas famiglias tut bien sin lur via da cardientscha.